



UNDANG-UNDANG MALAYSIA

CETAKAN SEMULA

Akta 374

AKTA TIMBALAN YANG DI-PERTUAN AGONG (SARAAN) 1958

Mengandungi segala pindaan hingga 1 Januari 2006

Teks ini HANYALAH TERJEMAHAN oleh Jabatan Peguam Negara bagi Timbalan Yang di-Pertuan Agong (Remuneration) Act 1958. Melainkan jika dan sehingga ditetapkan sah di bawah subseksyen 7(1) Akta Bahasa Kebangsaan 1963/67 [Akta 32], teks ini bukan perundangan.

DITERBITKAN OLEH
PESURUHJAYA PENYEMAK UNDANG-UNDANG, MALAYSIA
DI BAWAH KUASA AKTA PENYEMAKAN UNDANG-UNDANG 1968
SECARA USAHA SAMA DENGAN
PERCETAKAN NASIONAL MALAYSIA BHD
2006

**AKTA TIMBALAN YANG DI-PERTUAN AGONG
(SARAAN) 1958**

Pertama kali diperbuat 1958 (Ordinan No. 19
tahun 1958)

Disemak 1989 (Akta 374 m.b.p.
7 September 1989)

CETAKAN SEMULA YANG TERDAHULU

Cetakan Semula Yang Pertama 2001

Cetakan Semula Yang Kedua 2004

UNDANG-UNDANG MALAYSIA

Akta 374

AKTA TIMBALAN YANG DI-PERTUAN AGONG (SARAAN) 1958

SUSUNAN SEKSYEN

Seksyen

1. Tajuk ringkas
2. Pembayaran kepada Timbalan Yang di-Pertuan Agong atau Raja lain yang diberi kuasa untuk menjalankan fungsi Yang di-Pertuan Agong
3. Keraian
4. Keistimewaan lain

JADUAL

UNDANG-UNDANG MALAYSIA

Akta 374

AKTA TIMBALAN YANG DI-PERTUAN AGONG (SARAAN) 1958

Suatu Akta untuk membuat peruntukan bagi saraan Timbalan Yang di-Pertuan Agong atau Raja lain yang diberi kuasa oleh undang-undang untuk menjalankan fungsi Yang di-Pertuan Agong.

[22 Mac 1958]

Tajuk ringkas

1. Akta ini bolehlah dinamakan Akta Timbalan Yang di-Pertuan Agong (Saraan) 1958.

Pembayaran kepada Timbalan Yang di-Pertuan Agong atau Raja lain yang diberi kuasa untuk menjalankan fungsi Yang di-Pertuan Agong.

2. (1) Maka hendaklah dibayar kepada Timbalan Yang di-Pertuan Agong atau Raja lain yang diberi kuasa oleh undang-undang untuk menjalankan fungsi Yang di-Pertuan Agong selama apa-apa tempoh semasa dia menjalankan fungsi Yang di-Pertuan Agong dan tidak menerima emolumen yang kena dibayar kepadanya sebagai Raja Negerinya sejumlah wang bulanan sebanyak lapan belas ribu ringgit:

Dengan syarat bahawa berhubung dengan seorang Raja yang disebut terdahulu yang emolumennya kena dibayar kepadanya sebagai Raja Negerinya ialah suatu jumlah wang bulanan yang melebihi lapan belas ribu ringgit, sebutan mengenai “lapan belas ribu ringgit” yang terdapat sebaik selepas perkataan “sejumlah wang bulanan” hendaklah ditafsirkan sebagai sebutan mengenai jumlah keseluruhan wang sebanyak lapan belas ribu ringgit dan lebihan itu.

(2) Jumlah wang bulanan yang kena dibayar di bawah subseksyen (1) hendaklah—

(a) terakru dari hari ke hari; dan

(b) kena dibayar pada hari terakhir setiap bulan atau pada mana-mana hari lain yang ditentukan oleh Menteri Kewangan dari semasa ke semasa.

(3) Sekiranya berlaku pertukaran Raja yang menjalankan fungsi Yang di-Pertuan Agong, maka hendaklah dibuat apa-apa pelarasan dan pembahagian pembayaran bulanan yang kena dibayar di bawah subseksyen (1) mengikut kehendak hal keadaan hal itu.

Keraian

3. (1) Maka hendaklah dibayar kepada Penyelenggara Istana berkenaan dengan apa-apa tempoh semasa Timbalan Yang di-Pertuan Agong atau Raja lain menjalankan fungsi Yang di-Pertuan Agong sejumlah wang bulanan sebanyak tiga ribu ringgit bagi keraian.

(2) Jumlah wang bulanan yang kena dibayar di bawah subseksyen (1) hendaklah terakru dan kena dibayar mengikut cara yang sama sebagaimana jumlah wang yang kena dibayar di bawah subseksyen 2(1).

Keistimewaan lain

4. Timbalan Yang di-Pertuan Agong atau Raja lain yang menjalankan fungsi Yang di-Pertuan Agong berhak kepada keistimewaan yang dinyatakan dalam Jadual.

JADUAL

[Seksyen 4]

1. Kediaman

Kediaman berperabot dengan kakitangan hendaklah disediakan dan disenggarakan oleh Kerajaan.

2. Pengangkutan dan Perjalanan

Dua kereta hendaklah disediakan dan disenggarakan oleh Kerajaan dan semua perbelanjaan perjalanan dibayar oleh Kerajaan.

3. Kemudahan Perubatan

Layanan perubatan dan rawatan di hospital hendaklah disediakan oleh Kerajaan.

UNDANG-UNDANG MALAYSIA**Akta 374****AKTA TIMBALAN YANG DI-PERTUAN AGONG
(SARAAN) 1958****SENARAI PINDAAN**

Undang-undang yang meminda	Tajuk ringkas	Berkuat kuasa dari
Akta 33/1965	Akta Timbalan Yang di-Pertuan Agong (Saraan) (Pindaan) 1965	01-01-1965
Akta 160	Akta Mata Wang Malaysia (Ringgit) 1975	29-08-1975

UNDANG-UNDANG MALAYSIA**Akta 374****AKTA TIMBALAN YANG DI-PERTUAN AGONG
(SARAAN) 1958****SENARAI SEKSYEN YANG DIPINDA**

Seksyen	Kuasa meminda	Berkuat kuasa dari
2	Akta 33/1965 Akta 160	01-01-1965 29-08-1975
3	Akta 160	29-08-1975
